

**CYFARFOD COMISIWN FFINIAU LLYWODRAETH LEOL I GYMRU A GYNHALIWDYD
AR 12 MEHEFIN 2008 YN NHŶ CARADOG, CAERDYDD**

Comisiynwyr

Mrs. S G Smith (Cadeirydd)
Mr P J Wood (Dirprwy Gadeirydd)
Y Parch H M Davies

Ysgrifenyddiaeth

Mr. E H Lewis (Ysgrifennydd)
Mr. S R Halsall
Mr. D Carr
Mrs. Liza Brough
Mrs. Abbie Prescott-Bird

Croesawodd y Cadeirydd Mr Wood i'r cyfarfod a'i longyfarch ar ei benodi yn aelod ac yn ddarpar gadeirydd y Comisiwn.

1. DATGANIAD BUDDIANNAU

- 1.1 Ni ddatganwyd unrhyw fuddiannau newydd. Nododd y Comisiwn fod rhestr o fuddiannau Mr Wood wedi'i chyflwyno i'r Ysgrifenyddiaeth a byddai'r cofnod o Fuddiannau Aelodau yn cael ei ddiweddarau yn unol â hynny.

2. PENODI DIRPRWY GADEIRYDD

- 2.1 Enwebodd y Cadeirydd Mr Wood fel y Dirprwy Gadeirydd newydd ac eiliwyd hyn gan Y Parch Davies. **Cytunwyd** mai Mr Wood fyddai'r Dirprwy Gadeirydd newydd.
- 2.2 Enwebodd y Cadeirydd Y Parch Davies fel Cadeirydd newydd y pwyllgor Archwilio, ac eiliwyd hyn gan Mr Wood. **Cytunwyd** mai'r Parch Davies fyddai Cadeirydd newydd Pwyllgor Archwilio'r Comisiwn.

3. COFNODION CYFARFOD Y COMISIWN A GYNHALIWDYD AR 24 EBRILL 2008

- 3.1 Cytunwyd â'r rhain.

4. MATERION YN CODI

Arolwg Cymunedol Môn

- 4.1 Nodwyd bod y Comisiwn yn parhau i aros am ymateb oddi wrth Ganolfan Bedwyr ynghylch eglurhad ar ddilysrwydd cyfarwyddyd y cyn Ddirprwy Gadeirydd i gyfieithwyr y Comisiwn ynglŷn â gwaith a wnaed ar adroddiad cynigion Terfynol Môn ac unrhyw waith cyfieithu a wneir ar ran y Comisiwn yn y dyfodol.

Cofrestr Risgiau – Trosglwyddo system TG y Comisiwn

- 4.2 Dywedodd yr Ysgrifennydd fod yr Isadran Noddi wedi cymryd rhan i geisio symud ymlaen trosglwyddo cyfarpar TG y Comisiwn. **Cytunwyd** pe na fyddai unrhyw ateb

ymarferol yn amlwg erbyn cyfarfod nesaf y Comisiwn, yna byddai'r Cadeirydd yn ysgrifennu at y Gweinidog.

Etholiadau i Awdurdodau Lleol Cymru

- 4.3 Nododd Y Comisiwn sylwadau a wnaed gan yr Isadran Noddi yn ei hateb i Gyngor Sir Môn ynghylch amseriad cyhoeddi Adroddiad a Chynigion Arolwg Cymunedol Môn gan y Comisiwn. Roedd y Comisiwn o'r farn gan ei fod wedi gweithredu yn unol â'r cyfarwyddyd a gawsant oddi wrth ei ymgynghorydd cyfreithiol, fod sylwadau'r Isadran Noddi yn amhriodol. **Cytunwyd**, er y byddai'r Comisiwn yn parhau i ddilyn cyngor cyfreithiol, byddai unrhyw gyfnodau etholiad yn cael eu cynnwys yn yr amserlen arolwg pe bai modd gwneud hynny. **Cytunwyd** codi'r mater hwn yn ystod y cyfarfod nesaf gyda'r Gweinidog.

Cynllun Gweithredol

- 4.4 Dywedwyd bod y Cynllun Gweithredol wedi'i ddiwygio er ni wnaed unrhyw newidiadau sylweddol iddo. **Cytunwyd** i gynnwys y Cynllun Gweithredol ar Agenda cyfarfod mis Gorffennaf.

Arolygon Cymunedol

- 4.5 Dywedwyd bod arolygon wedi cychwyn ar gyfer cymunedau ym Mwrdeistrefi Sirol Blaenau Gwent a Bro Morgannwg.

5. COFNODION CYFARFOD Y COMISIWN A GYNHALIWDYD AR 7 CHWEFROR 2008

- 5.1 Dywedwyd nad oedd geiriad cofnodion cyfarfod mis Chwefror y Comisiwn yn adlewyrchu'n glir beth a benderfynwyd gan Aelodau o ran Arolwg Cymunedol Caerffili. **Cytunwyd** newid geiriad y cofnod fel ei fod yn adlewyrchu'r penderfyniadau a wnaed yn fwy cywir.

6. AROLWG CYMUNEDOL CONWY – ADRODDIAD CYMUNEDOL DRAFT

- 6.1 Dywedwyd bod llythyr wedi ei anfon i Gyngor Cymuned Conwy yn gofyn am eglurhad pellach am faint Coedwig Marl. Roedd y Comisiwn bellach wedi cael ymateb oddi wrth Gyngor Cymuned Conwy a oedd wedi nodi'n glir arwynebedd Coedwig Marl ar fap a ddarparwyd gan y Comisiwn. Dangosodd yr hyn a nodwyd ar y map fod Coedwig Marl yn fwy nag yr ystyriwyd o'r blaen. **Cytunwyd** ei bod yn ddymunol i'r oll o ardal Coedwig Marl gael ei lleoli yng Nghymuned Conwy ac y caiff adroddiad y Cynigion drafft eu diwygio yn unol â hynny.
- 6.2 Dywedwyd bod y Comisiwn wedi cael llythyr pellach oddi wrth Bennaeth Gwasanaethau Cyfreithiol a Democrataidd Cyngor Bwrdeistref Sirol Conwy. Roedd y llythyr yn ymwneud â neges e-bost oddi wrth y Cynghorydd Emlyn Thomas, Cynghorydd Bwrdeistref Sirol Adran Etholiadol Trefriw, ynghylch Cymuned Dolgarrog. Datganodd y neges e-bost fod y Cyngh. Thomas wedi cael y cyfle yn ystod Diwrnod Arfarnu'r Pentref ar 26 Ebrill 2008 yn Nhrefriw i ymgynghori â rhwng 150 a 200 o breswylwyr ynglŷn â'u barn am gyfuno Cymunedau Trefriw a

Dolgarrog. Dywedodd yr holl breswylwyr a lenwodd ffurflen na i'r cynnig. Dywedodd y Cyngh. Thomas hefyd mai'r un fyddai'r canlyniad ar y mater hwn pe cynhelir ymgynghoriad gan y Comisiwn ar gyfer y ddwy Gymuned. Dywedwyd hefyd bod y Comisiwn wedi cael canlyniadau etholiadau 1 Mai 2008 ar gyfer Cyngor Cymuned Dolgarrog a dim ond 6 o'r 9 sedd a lenwyd. **Cytunwyd** y byddai'r adroddiad Cynigion drafft yn cynnwys y cynnig y dylid uno Cymunedau Trefriw a Dolgarrog ond cedwir wardiau presennol Trefriw a chynigir hefyd y byddai Cymuned bresennol Dolgarrog yn ffurfio ward yn y gymuned newydd.

7. AROLWG CYMUNEDOL CAERFFILI – ADRODDIAD CYNIGION DRAFFT

- 7.1 Nododd y Comisiwn sylwadau Gyngor Bwrdeistref Sirol Caerffili am y newid arfaethedig rhwng Cymunedau Crymlyn a Phen-maen, a dderbyniwyd ers y cyfarfod diwethaf. Er nad oedd y Cyngor yn cefnogi'r cynnig gwreiddiol roeddent wedi cynnig newid arfaethedig a fyddai'n golygu rhan lai o Groes-pen-maen yn cael ei throsglwyddo i Ben-maen o Grymlyn. **Cytunwyd** er y byddai ffin arfaethedig y Cyngor yn cael ei nodi yn yr Adroddiad Cynigion Drafft a cheisir barn am y cynnig, ni wneir unrhyw gynnig i newid y ffin rhwng Crymlyn a Phen-maen ar hyn o bryd.
- 7.2 Nododd y Comisiwn nad oedd Cyngor Bwrdeistref Sirol Caerffili yn cefnogi'r newid a awgrymwyd i'r ffin rhwng Cymunedau Argoed a Phen-maen. Gan fod y newid hwn a awgrymwyd wedi'i nodi yn yr Adroddiad Cynigion Drafft ond nid oedd yn cael ei roi gerbron fel cynnig, nid oedd angen unrhyw gam gweithredu heblaw cofnodi gwrthwynebiad y Cyngor yn nhestun yr Adroddiad.
- 7.3 Nododd y Comisiwn nad oedd Cyngor Bwrdeistref Sirol Caerffili yn cefnogi'r newid a awgrymwyd i'r ffin rhwng Cymunedau Y Coed Duon a Phen-maen. Roedd y Cyngor o'r farn y gallai'r cynnydd yn nifer yr etholwyr ar gyfer Y Coed Duon olygu cynnydd annerbyniol ym maich gwaith cynghorwyr lleol. Roedd y Comisiwn o'r farn bod y ffin arfaethedig yn briodol ac wedi'i diffinio'n dda ac ni ddylai newidiadau ôl-ddilynol i'r etholwyr cymuned bennu a ddylid mabwysiadu newid i ffin ai peidio pe bai newid o'r fath yn ymddangos ei fod er budd llywodraeth leol effeithiol a chyfleus. **Cytunwyd** y byddai'r Comisiwn yn cadw'r newid arfaethedig i'r ffin rhwng Cymunedau Y Coed Duon a Phen-maen fel rhan o'u Cynigion Drafft.
- 7.4 Nododd y Comisiwn nad oedd Cyngor Bwrdeistref Sirol Caerffili yn gwrthwynebu'r newidiadau arfaethedig i'r ffiniau rhwng Cymunedau Pengam, Maesycwmer, Pontllanfraith, Cefn Fforest, Caerffili, Y Fan a Rhisga. Nodwyd pryder y Cyngor ynglŷn â'r ffaith y gallai newid i'r ffin rhwng Cymunedau Pengam a Cefn Fforest arwain at rywfaint o ddryswch rhwng ardaloedd heddlu, fodd bynnag, ni ystyriwyd y byddai hyn yn creu unrhyw anawsterau gwirioneddol pe newidir y ffin.
- 7.5 **Cytunwyd** diwygio testun yr Adroddiad i ddangos yn well y meini prawf a ddefnyddir wrth bennu a fyddai newid a awgrymwyd i ffin yn cael eu cynnwys yn yr adroddiad er mwyn annog sylwadau yn hytrach nag fel newid arfaethedig.
- 7.6 Nodwyd nad oedd Cyngor Bwrdeistref Sirol Caerffili hyd yn hyn wedi rhoi ystadegau etholiadol ar gyfer y newidiadau arfaethedig i'r ffiniau i'r Comisiwn ac felly ni allai'r Ysgrifenyddiaeth asesu'r newidiadau ôl-ddilynol i'r trefniadau etholiadol cymunedol. **Cytunwyd** y byddai'r Ysgrifenyddiaeth yn mynd ar drywydd y ffigurau etholiadol ac adrodd yn ôl i Aelodau ynghylch unrhyw effaith sylweddol y

gallent gael ar y Cynigion. **Cytunwyd** y byddai'r adroddiad Cynigion Drafft yn cael ei fabwysiadu yn amodol ar y newidiadau a drafodwyd a derbyn y ffigurau etholiadol oddi wrth y Cyngor.

8 AROLWG CYMUNEDOL PEN-Y-BONT AR OGWR – ADRODDIAD CYNIGION DRAFFT

8.1 Dywedwyd bod y Comisiwn bellach wedi derbyn y ffigurau etholiadol ar gyfer yr ardaloedd hynny lle byddai newidiadau i ffiniau cymuned yn effeithio ar niferoedd etholwyr. Roedd y Comisiwn yn wreiddiol, wedi cytuno i ailalinio'r ffin rhwng Cymunedau Merthyr Mawr a Phen-y-bont ar Ogwr, fel bod yr ardal a adweinir fel Ystad Island Farm yn cael ei chyfuno a'i throsglwyddo i Gymuned Pen-y-bont ar Ogwr fel yr awgrymwyd yn wreiddiol gan Gyngor Tref Pen-y-bont ar Ogwr. Roedd y Comisiwn yn tueddu tuag at gyfuno'r ystâd ond byddai hyn yn golygu y byddai Cymuned Merthyr Mawr yn gostwng i 145 o etholwyr a fyddai'n codi cwestiwn ynghylch dichonoldeb. Cynnig arall fyddai i'r ystâd gyfunol gael ei throsglwyddo i Ben-y-bont ar Ogwr fel y cynigiwyd yn wreiddiol, ond cyfuno ardal Cymuned Trelales a Merthyr Mawr gan eu bod ar hyn o bryd wedi'u cyfuno yn adran etholiadol Bryntirion, Trelales a Merthyr Mawr. Dewis arall fyddai symud yr ystâd yn gyfan gwbl ynghyd â darn o dir sy'n gyfagos i Ferthyr Mawr o Gymuned Pen-y-bont ar Ogwr i Ferthyr Mawr. **Cytunwyd** anfon llythyr yn amlinellu'r tri dewis i Gyngor Cymuned Merthyr Mawr, Cyngor Tref Pen-y-bont ar Ogwr, Cyngor Cymuned Trelales a Chyngor Bwrdeistref Sirol Pen-y-bont ar Ogwr gan ofyn am eu barn am y dewisiadau awgrymedig.

9. AROLWG FFINIAU POWYS – MERTHYR TUDFUL – ADRODDIAD CYNIGION TERFYNOL

9.1 Dywedwyd y ceisiwyd cyngor cyfreithiol ar ddrafft yr adroddiad ac o ganlyniad gwnaed amryw o fân newidiadau. Nododd y Comisiwn y cyngor a dderbyniwyd. **Cytunwyd** y dylid cyhoeddi'r adroddiad yn ei ffurf bresennol fel yr Adroddiad Terfynol.

10. AROLWG CYMUNEDOL ABERTAWE – ADRODDIAD CYNIGION DRAFFT

10.1 Nododd y Comisiwn y gynrychiolaeth a dderbyniwyd oddi wrth Gyngor Dinas a Sir Abertawe ac oddi wrth gynghorydd lleol ers y cyfarfod diwethaf. Nodwyd bod Cyngor Dinas a Sir Abertawe wedi cefnogi newidiadau arfaethedig y Comisiwn i'r ffiniau rhwng Cymunedau Cwmbwrla, Penderi, Gorseion, Pengelli-ddrain a Waungron, Lluchwr and Penlle'r-gaer a bod sylwadau'r Cyngor ynghyd ag awgrymiadau'r cynghorydd lleol wedi'u hymgorffori yn yr Adroddiad Cynigion Drafft.

10.2 Gwnaethant ystyried tri newid a awgrymwyd i'r ffin rhwng Cymunedau Gorseion a Lluchwr a gyflwynwyd gan y cynghorydd lleol. Roedd yr awgrym cyntaf yn debyg i gynnyg y Comisiwn fel rhan o'u Cynigion Drafft ond roedd yn cynnwys trosglwyddo ardal mwy o faint Lluchwr mewn i Orseion. Nodwyd bod yr ardal estynedig hon yn cynnwys anheddau yr oedd mynediad iddynt drwy Gymuned Lluchwr ond bod cynnyg y Comisiwn dim ond yn cynnwys anheddau y gellid cael mynediad iddynt

drwy Orseion. **Cytunwyd** bod cynnig y Comisiwn yn well na chynnig y cynghorydd lleol ac fe'i cedwir yn yr Adroddiad Cynigion Drafft.

- 10.3 Nododd y Comisiwn yr awgrym a wnaed gan y cynghorydd lleol am newid i'r ffin rhwng Gorseion a Lluchwr yng nghyffiniau West Street. Roedd y Comisiwn o'r farn nad oedd y ffin awgrymedig yn welliant sylweddol ar y ffin bresennol na bod y ffin bresennol yn creu anghysondeb ond yn hytrach ei bod yn unol â natur gyffredinol y ffin rhwng Cymunedau Gorseion a Lluchwr. **Cytunwyd** na fyddai awgrym y cynghorydd lleol yn cael ei gynnig yn yr Adroddiad Cynigion Drafft.
- 10.4 Nododd y Comisiwn yr awgrym a wnaed gan y cynghorydd lleol am newid i'r ffin rhwng Gorseion a Lluchwr yng nghyffiniau cyn weithfeydd dur Bryngwyn. Dywedwyd bod ymweliad safle a gynhaliwyd gan yr Ysgrifenyddiaeth wedi cadarnhau bod nifer sylweddol o ddatblygiadau newydd wedi'u hadeiladu yn ddiweddar yn yr ardal uwchben ac islaw'r ffin awgrymedig. Nododd y Comisiwn fod y cynllun ffyrdd presennol yn ymddangos y byddai mynediad i'r anheddau newydd yn fwy tebygol o ddod o Orseion ac felly eu barn oedd y byddai'r ailaliniol'r ffin arfaethedig yn amhriodol gan y byddai'n golygu trosglwyddo rhan sylweddol o'r datblygiad newydd i Lluchwr. **Cytunwyd** na fyddai awgrym y Cynghorydd lleol yn cael ei gynnig yn yr Adroddiad Cynigion Drafft. Nododd y Comisiwn hefyd fod Afon Lliw yn gwahanu'r ardal o amgylch cyn weithfeydd dur Bryngwyn a'r datblygiad newydd. Roedd y Comisiwn o'r farn y dylid ailaliniol'r ffin rhwng Cymunedau Gorseion a Lluchwr yn yr ardal hon fel ei bod yn dilyn Afon Lliw. **Cytunwyd** y byddai'r ailaliniad hwn o'r ffin yn cael ei gynnwys fel cynnig yn yr Adroddiad Cynigion Drafft.
- 10.5 **Cytunwyd** y byddid yn mabwysiadu'r Adroddiad Cynigion Drafft yn amodol ar y newidiadau a drafodwyd a derbyn y ffigurau etholiadol oddi wrth y Cyngor.

11. **AROLWG PELLACH WRECSAM – YSTYRIAETH BELLACH O GYNRYCHOLAETHAU CYCHWYNNOL AC ADRODDIAD CYNIGION DRAFFT**

- 11.1 Ystyriodd y Comisiwn gynrychiolaethau a dderbyniwyd mewn ymateb i gam cychwynnol Arolwg Pellach Cymuned Wrecsam. Nodwyd bod yr holl gynrychiolaethau a dderbyniwyd yn gwrthwynebu cynnwys holl ystâd Llwyn Onn yng Nghymuned Parc Caia, ar wahân i'r un oddi wrth Gyngor Cymuned Parc Caia. Nododd y Comisiwn bod Cyngor Bwrdeistref Sirol Wrecsam nawr yn cefnogi cynnwys ystâd Llwyn Onn yng Nghymuned Abenbury gan nad oeddent wedi gwrthwynebu yn ffurfiol i gynnwys Llwyn Onn yng Nghymuned Parc Caia.
- 11.2 Roedd y Comisiwn o'r farn gan fod rhinwedd i'w cynnig gwreiddiol sef cynnwys ystâd Llwyn Onn yn ardal Tref Wrecsam, roedd bellach ffactorau sylweddol i wrthwynebu hynny, y mwyaf amlwg o'r rhain oedd diffyg cefnogaeth oddi wrth Gyngor Bwrdeistref Sirol Wrecsam a phryderon ynghylch dichonoldeb Cymuned Abenbury pe trosglwyddid ystâd Llwyn Onn allan ohono.
- 11.3 **Cytunwyd** y byddai'r Cynigion Drafft yn cynnig cynnwys holl Ystad Llwyn Onn yng Nghymuned Abenbury. **Cytunwyd** er mwyn mynd i'r afael yn llwyr â'r cwestiwn am ddichonoldeb Cymuned Abenbury yn y dyfodol y cynigir cyfuno Cymuned Abenbury â Chymuned Is-y-coed.

12. AMSERLEN AROLYGON

12.1 Trafododd y Comisiwn ddiwygiadau i'r Amserlen Arolygon a gwnaed y newidiadau canlynol:

- Arolwg Cymunedol Caerffili – Estynnwyd y dyddiad ar gyfer cyhoeddi'r Adroddiad Cynigion Drafft i Awst 2008.
- Arolwg Cymunedol Pen-y-bont ar Ogwr – Estynnwyd y dyddiad ar gyfer cyhoeddi'r Adroddiad Cynigion Drafft i Awst 2008.
- Arolwg Cymunedol Abertawe – Estynnwyd y dyddiad ar gyfer cyhoeddi'r Adroddiad Cynigion Drafft i Awst 2008.

13. ADRODD AM DDIGWYDDIADAU YN YMWNEUD Â DATA PERSONOL

13.1 Dywedwyd bod yr arweiniad hwn ar sut i adrodd am ddigwyddiadau yn ymwneud â data personol fel rhan o'r Sylwadau Rheoli i'r Cyfrifon Blynyddol wedi'i gyhoeddi gan Swyddfa'r Cabinet. Nid oedd y Comisiwn yn cadw ond ychydig o ddata personol yn electronig ac nid oedd unrhyw ddigwyddiadau i roi gwybod amdanynt. Nododd y Comisiwn yr adroddiad.

14. ADRODDIAD CYLLID AM Y FLWYDDYN YN GORFFEN 2007-08

14.1 Nododd y Comisiwn yr adroddiad cyllid a'r sefyllfa ar ddiwedd 2007-08. Nodwyd bod swm y tanwariant, sef £26,737 yn agos i'r swm tanwario a amcangyfrifwyd.

15. UNRHYW FATER ARALL

15.1 Nodwyd bod y Gweinidog dros Gyfiawnder Cymdeithasol a Llywodraeth Leol wedi cytuno cyflwyno argymhellion y Comisiwn ar newidiadau i ffiniau cymunedol yn Rhondda Cynon Taf, fel y'u nodwyd yn yr Adroddiad a'r Cynigion a gyflwynwyd gan y Comisiwn.

15.2 Nodwyd bod y Comisiwn wedi derbyn Cynigion Terfynol oddi wrth Gyngor Dinas a Sir Caerdydd ynghylch arolwg o gymunedau yn ardal yr awdurdod. **Cytunwyd** y byddai'r adroddiad yn eitem ar agenda cyfarfod nesaf y Comisiwn.

15.3 Dywedodd yr Ysgrifennydd fod y Comisiwn wedi derbyn llythyr ynghylch yr Iaith Gymraeg yn Ewrop a oedd gwahodd sylwadau oddi wrth y Comisiwn. Nododd y Comisiwn y cais a **chytunwyd** y byddai'r Ysgrifennydd yn ei ateb gan ddiolch iddynt am y llythyr, ond yn nodi gan fod y Comisiwn yn gorff annibynnol anwleidyddol, na fyddai'n briodol iddynt roi sylwadau ar faterion a allai fod iddynt oblygiadau gwleidyddol.

15.4 Gofynnodd y Comisiwn am ddiweddariad ar y Cyfarfod Agored Blynyddol gael ei gynnwys yn eitem ar agenda cyfarfod nesaf y Comisiwn. **Cytunwyd** y byddai'r Ysgrifenyddiaeth yn paratoi adroddiad cynnydd ar gyfer y cyfarfod nesaf.

- 15.5 Gofynnodd y Comisiwn i'r Ysgrifenyddiaeth baratoi'r wybodaeth angenrheidiol a phapurau ar gyfer y Cadeirydd newydd fel eu bod yn barod erbyn diwedd cyfnod penodi y Cadeirydd presennol. **Cytunwyd** y byddai hyn yn cael ei baratoi.
- 15.6 Roedd y Comisiwn o'r farn y byddai'n ddefnyddiol pe bai arweiniad a rhestr termau iaith glir yn cael eu llunio ar gyfer arolygon cymunedol. Gallai hyn gynnwys sylwadau a chyngor oddi wrth Un Llais Cymru. **Cytunwyd** y byddai'r Ysgrifenyddiaeth yn paratoi dogfen i'r perwyl hwn.

16. DYDDIAD Y CYFARFOD NESAF

- 16.1 Cytunwyd ar y dyddiadau ar gyfer cyfarfodydd yn y dyfodol fel a ganlyn:

Dydd Mercher 16 Gorffennaf 2008 am 10:45 a.m.

Dydd Llun 18 Awst 2008 am 10:45 a.m.

Dydd Mawrth 9 Medi 2008 am 10:45 a.m.

Dydd Iau 16 Hydref 2008 am 3:00 p.m.